

DOMINGU XIX TEMPU KOMÚN – TINAN C

TEMA

Maromak nia Liafuan ne'ebé ohin konvida ita atu foti konxiénsia kona-ba radikalidade no eziyénsia misaun nian ne'ebé Maromak konfia mai ita. Maromak konvida ita ba kompromisu ida, aten-barani no koerente, ho konstrusaun “lalehan foun” no “rai foun”. Ne'e mak ita-nia misaun profétika.

Leitura dahuluk apresenta mai ita profeta Jeremias nia figura. Profeta simu husi Maromak misaun ida ne'ebé lori xefe sira nia ódiu no Povu Jerusalém nia deskonfiansa: haklaken reinu Judá nia rohan. Jeremias kumpre misaun ne'ebé Maromak entrega ba nia, maski bele hamosu terus. Nia hatene katak misaun profétika la'ós konkursu ida popularidade nian, maibé sasin ida, ho lialoos no koerénsia, ba Maromak nia projetu sira.

Evanjellu reflète kona-ba misaun Jezús nian no nia implikasaun sira. Evanjellu define Jezús nia misaun nu'udar “halo ahi lakan iha rai”, nune'e bele sunu egoíзму, moris-atan, salan no moris mundu foun – “Reinu”. Jezús nia proposta sei lori, divizaun. Basá ne'e mak proposta eziyente no radikál, ne'ebé sei provoka ema barak nia opozisaun; maski nune'e Jezús aseita enfrenta mate, atu bele realiza Aman Maromak nia planu no bele halo sai relaidade mundu foun.

Leitura daruak konvida ema sarani atu halai ho desizaun ba to'o moris nakonu – hanesn atleta sira ne'ebé la haree ba esforsu sira atu to'o iha meta hodi hetan vitória. Kristu – ne'ebé la monu ba buat fasil maibé enfrenta mate atu realiza Aman nia porjetu – tenke sai sarani ida nia modelu no orienta ninia dalan.

LEITURA I – Jer 38,4-6.8-10

Époka ne'ebé Jeremias hala'o ninia misaun profétika (husi 627 no to'o Jerusalém monu iha 586 mK) mak époka ida komplikada liu iha istória... Josias mate tiha (iha Meggido hodi funu hasoru Ejitu, iha 609 mK), reinu Judá, liurai aat sira mak ukun no hamosu período instabilidade boot. Sira b ahalo aliansa polítika sira ne'ebé la konsistente ho kbiit-na'in sira tempu nian halo nasaun sai susar boot no rahun.

Testu ohin nian lori ita ba Jerusalém, durante Sedecias nia ukun, 586 mK. Sedecias tanba hetan presaun husi grupu pro Ejitu Jerusalém nian atu keta selu tributu ba Babilónia. Ida-ne'e halo atu Nabucodonosor tau serku ba Jerusalém. Ejitu nia tropa sira mai tulun, no hamosu ksolok boot; maibé Jeremias hateten kedas katak ksolok ne;e laho razuan ida, basá sei mai fali serku ho kbiit boot liután. Defaktu ida-ne'e mak akontese, no Jeremias konvensidu katak ne'e mak kastigu ba Judá nia salan no Maromak entrega Jerusalém iha Babilónia nia liaman, fó konsellu atu keta halo rezisténsia ba invazór sira no atu halo rendisaun.

MENSAJEN

Xefe sira partisu rezisténsia nian (husi sira ne'e na'in haat nia naran temi iha Jer 38,1) mobiliza an atu poin ba profeta nia diskursu no propoin atu oho nia. Maski liurai Sedecias

lakohi, maibé tanba presau husi ninia jenerál sira, nia konsente atu halo profeta nonok tiha. Sira hatam nia iha ba posu ida nakonu ho tahi no la fó hahán ba nia, no Jeremias iha perigu mate nian; atan ida – Ebed-Melec – ne’ebé horik iha liurai nia kadunan mak husu tulun ba Jeremias no salva nia.

Jeremias nia moris tomak iha perigu nia laran tanba Maromak nia Liafuan no misaun profétika. Nia ema ne’ebé hatene sai belun no sensível, la’ós ema ida konfrontu no agresaun nian, violénsia liafuan nian eh hahalok nian... Maibé Jahwéh bolu nia iha faze dramátika istória Judá nian no konfia ba nia misaun atu “fokit no harahun, hamonu no sobu” (Jer 1,10), halo profesia desgrasa sira-nian no haklaken violénsia no mate; no profeta ho Maromak nia kbiit, buka konkretiza ninia misaun ho forsa no konviksaun ne’ebé halo ita hakfodak, Maromak hamaus Jeremias no nia tau nia an tomak lahó kondisaun, atu serví Liafuan, maski ne’e kontra nia natureza rasik. Moris mesak, dook husi familiár sira, belun sira maluk sira, hodi enfrenta ema kbiit-na’in sira-nia ódiu.

Jeremias mak protótipu profeta nian ne’ebé fó nia moris atu Maormak nia Liafuan nalian iha mundu no iha ema sira nia moris. Nia la hanoin an rasik, la hanoin ninia komodizmu, ninia morsi-di’ak, ninia ézitu sisiál eh profisionál, ninia triunfu hasoru opiniaun públika; nia hanoin de’it ati haklaken ho fidelidade Maromak nia projetu ba ema sira, atu ema sira bele harii istória iha perspetiva Maromak nian.

Iha parte finál testu ne’e nian, Maroma knia promesa sai tuir duni, haktuir iha relatu vokasaun Jeremias nian: “ó keta ta’uk, Ha’u hamutuk ho ó atu so’i ó” (Jer 1,8). Liuhusi sentidu justisa no aten-barani atan estrajeiru ida-nian, Maromak intervein atu salva Jeremias. Maromak hatudu katak nia nafatin iha ema sira nia sorin, sira ne’ebé haklaken ho fidelidade ninia Liafuan no la husik mesak profeta sira ne’ebé kbiit-na’in no mundu persege.

LEITURA II – Heb 12,1-4

Surat ba Ebreu sira dirije ba sarani sira (orijen judiaka...) iha situasaun difisil, iha ambiente ne’ebé rai kuna nba sira no sifre opozisaun maka’as husi sira nia maluk husi rai hanesan. Tanba ne’e, sira mós fasil atu monu iha laran-taridu, dezánimu, iha sira-nia fiar no moris sarani... Surat hatudu mós katak sira sarnai ne’ebé kole, lahó entuziazmu uluk nian no moris iha komodizmu no mediokridade. Iha mós referénsia katak sira monu tuir diutrina laloos, la tuir fiar orijinál simu husi apóstolu sira.

Testu ne’ebé ohin propoin mai ita pertense ba parte dahaat surat nian (kf. Heb 11,1-12,13). Iha ne’e ita hetan apelu ida ba fiar no ba perseveransa eh konstánsia.

MENSAJEN

Iha versíkulu anteriór (kf. Heb 11,1-40), oautór apresenta galeria ida figura sira-nian – husi Abraaun to’o Moisés – ne’ebé, liuhusi sira-nia fiar nia firmeza no kboot, sira hetan ézitu no husik memória ida ba nafatin, maski sira hasoru difikuldade oioin; autór surat nian konvida sarani sira atu banati tuir ezemplu sira-ne’e no persevera iha fiar. Iha konkretu, versíkulu haat ne’ebé leitura ohin apresenta mai ita kontein ezortasaun ida ba konstánsia eh perseveransa. Ilas ne’ebé uza mak ilas klásika iha katekeze sarani tempu inísiu nian (hareee 1 Cor 9,24-27; Ga 2,2; Flp 2,16; 3,13-14; 2 Tim 2,5) ida halai nian/korrída nian (vers. 1): saranisira tenke sai hanesan atleta sira ne’ebé halai ho forma desidida no haka’as an no hatudu korva korajen nian, forsa nian, vontade atu manán; figura sir ane’ebé nomeia molok mak espatadór sira ne’ebé, iha tuut-fatin estádiu nian, observa no anima fiar-na;in sira nia esforsu no perseveransa... Atu buat ida la atrapalla iha “korrída” ba vitória, sarani sira tenke hasai husi

sira naha salan nian (egoíзму, komodizmu, autosufisiénsia), basá naha ne'e sei sai obstákulu atu to'o iha meta ho vitória. Iha "korrída" ne'e, fiar-na;in nia modelu fundamentál mak Kristu (vers. 2). Nia, hodi hakribi dalan fasil no triunfu umanu nian, enfrenta krús no manán mate; nu'udar rezultasu, Maromak hahí Nia, no "Nia tuur iha Maromak nia tronu". Nia mak loke dalan ba fiar-na'in sira no hatudu ba sira oinsá la'o ba oin. Ninia ezemplu tenke estimula nafatin sarani sira iha dalan ba vitória (vers. 3).

EVANJELLU – Lc 12,49-53

Liafuan sira Jezús nian ne'ebé ohin Evanjellu apresenta mak testuruma difisl atu interpreta iha Testamentu Foun hotu. Difikuldade partikulár mak vers. 49, ho liafuanne'ebé la'ós Lucas nian... Tanba la hatene loos kontestu primitivu ba "liafuan" ne'e no sirkunstánsia bainhira Jezús fó sai liafuan ne'e, imposivel atu determina ninia signifikadu "ahi" ne'ebé Jezús fó sai. Buat ne'ebé ita hatene, Lucas apresenta materiál ne'e iha kontestu "dalan ba Jerusalém" – dalan ne'ebé lori Jezús ba don total moris nian. Iha-ne'e ita haree konfrontu finál ho instituisaun jurídika besik ba daudaun ne'ebé lori ba mate iha krús. Iha Lucas nia perspetiva, Jezús nia fraze sira iha-ne'e halo parte katekeze ne'ebé prepara eskolante sira atu komprende Jezús nia misaun, radikalidade "Reinu" nian no ezijénsia sira ne'ebé mai husi adere ba Jez'us nia proposta sira.

MENSAJEN

Testu fahe ba parte rua:

Iha primeira parte (vers. 49-50), ita haree tau hamutuk tema ahi no batizmu nian. Jezús hahú hodi dehan katak nia mai lori ahi mai iha rai.

"Ahi" soi signifikadu simbóliku kompleksu... Iha Testametu Tuan ahi hahú ho signifikadu ho elementu teofania nian (kf. Ex 3,2; 19,18; Dt 4,12; 5,4.22.23; 2 Re 2,11), uza atu representa Maromak nia santidade. Maromak nia manifestasaun provoca iha ema, hamutuk, atrasaun no laran-ta'uk; katekeze Isarael nian sei uza ahi símbolu Maromak ne'ebé maka'as ho salan... Tanba ne'e, profeta sira uza ilas ahi nian atu haklaken no haktuir Maromak nia laran-hirus (kf. Am 1,4; 2,5). Nune'e, ahi sai ilas privilejiadu atu deskreze kastigu ba nasaun sala-na'in sira (kf. Is 30,27.30.33) no Israel rasik ninian. Ahi la'ós de'it kastiga maibé halakon mós salan (kf. Is 9,17-18; Jer 15,14; 17,4.27): nune'e, ahi sai elementu purifikasaun no transformasaun nian (kf. Is 6,6; Ben Sira 2,5; Dan 3). Iha literatura apokalíptika, ahi mak ilas tesi-lia iha tempu ikus nian ka tempu eskatolójiku (Is 66,15-16): "Jahwéh nia loron" hanesan ahi ne'ebé halo nabeen (kf. Mal 3,2); loron ida, nia lakan boot sei sunu ema loko-an no em aat sira hanesan du'ut maran sira (kf. Mal 3,19) no rai tomak Maromak nia ahi sei sunu sira (kf. Sof 1,18; 3,8). Husi ahi ne'ebé han mutuk salan, purifikadór no transformadór, sei moris mai mundu foun, lahó salan, justisa no dame rohan-laek nian.

Símbolu ahi nian, tau iha Jezús niaibun hakarak dehan katak katak Nia mai atu revela ba ema sira Maromak nia santidade; ninia proposta destina atu harahun egoíзму, injustisa, opresaun ne'ebé halo mundu nia oin aat, nune'e, husi akudesan mundu tuan nian, mai mundu foun domin nian, partilla nian, fraternidade nian, jusitsa nian. Oinsá mak ida-ne'e sei akontese? Liuhusi Jezús nia Liafuan no asaun; maibé Lucas hanoin mós ba Espíritu ne'ebé Jezús haruka ba eskolante sira – no Lucas, sei representa liuhusi ilas ahi nia nanál sira.

Kona-ba ilas batizmu nian: nia refere ba Jez'us nia mate (kf. Mc 10,38, iha-ne'ebé Jezús husu ba João no Tiago se sira prontu atu hemu husi kalis ne'ebé Nia sei hemu no simu batizmu

ne'ebé Nia sei simu). Atu "ahi" transformadór no purifikadór hatudu an, presiza atu Jezús halo nia moris sai don ida domin nian, to'o iha krús. Husi ne'e mak sei moris mundu foun.

Iha segunda parte (vers. 51-53), Jezús konfessa katak nia la mai lori dame, maibé divizaun. Lucas nafatin esprime katak "dame" mak don mesiániku ida (kf. Lc 2,14.29; 7,50; 8,48; 10,5-6; 11,21; 19,38.42; 24,36) no Mesias nia funsaun mak gia ema sira nia ain-hakat "iha dalan dame nian" (Lc 1,79). Sá loos singinfikadu ba liafuan sira ne'ebé dehan katak Jezús la mai lori dame maibé divizaun?

Konserteza iha fraze ne'e. nia halo referénsia ba ema nia reasaun ba Jezús no ba proposta ne'ebé Nia oferese. Jezús nia proposta sadik ema, interpela sira no lahusik sira indifereente. Ema balun simu ho modu pozitivu; ema balun rejeta nia. Balun haree iha nia proposta libertasaun nian; balun la iha interese ba Jezús nune'e mós ba valór ne'ebé Nia propoin... Nu'udar konsekuénsia, sei mosu divizaun no haketak malu, dalaruma iha família rasik nia laran, tanba opsaun ne'ebé ema ida-idak hili hasoru Jezús.

Jezús mai lori dame, maibé dame nu'udar moris nakonu moris ho ezijénsia no koerénsia; dame ne'e la halo roha-rohan de'it, ho lialoos sori-sorin de'it, jogasa ekuilíbriu nian atu la xateia ema ida, maib'e ikus mai la transform abuat ida. Jezús nia proposta ezijente no radikál; nune'e, konserteza kria duni divizaun.